



阿爸个手機仔

今年八十零歲个阿爸，除了看報紙愛棚目鏡、耳空多少仔聾以外，手腳還算流掠、頭腦還已精靈，乜無麼个白頭那毛。佢斯像人講个「人老朱顏改，虎瘦雄心在」，趕事無閒時還係做到兩頭烏，對現代个事物乜當有學習个興頭。

阿爸做事个時節煞猛，做閒个時節成下會挨弦仔、唱卡拉 OK，三不二時啦歌哩曲，日仔過著樂線樂線。早期手機仔號碼正開放，佢自家走去申請一支來用，已跔得著時代。毋過，電話錢恁貴無麼个盼得打，出門係堵著緊事愛講，斯打去喊人打過來，單淨一句就遽遽切忒。頭過个手機仔無便宜，逐隻月又愛納恁多基本費，分人笑講：「會算毋會除，貴參參个東西仰好買來展風神？」佢斯笑笑仔應講：「人老驚癲俵，樹老驚窿空」，新事物加減學兜仔，較毋會分人笑老癲俵，孫仔轉來乜較有話好譚哆。有影，幾個孫仔摺阿公盡有話講，歸日黏共下，講講笑笑完全無代溝。

前幾年阿爸做生日，幾個孫仔當有心，鬥股買一支做得上網个新手機分阿公用，老人家歡喜到耐毋得，一有閒就擎等研究，斯像細人仔拿著新玩具，搞到毋盼得離手。佢老罔老，學起來已遽順手，翕相、上網、看客家大戲全全曉。該駁仔見堵著人就問：「你有 LINE 無？俵來拉(laiˊ)你」。頭過共下打棋子个伴，這下鬥共下在該研究仰般拉人，實在還生趣。莫講佢兜「老猴仔跋毋上樹」，雖然佢兜係老生學阿旦，毋過學起來還係有款有調，幾日仔斯曉得摺人拉來拉去、摺消息傳來傳去。

自從有咁新手機仔，在外國个阿姊不時用視訊摺阿爸打嘴鼓，看著佢一家人平安康健，阿爸恁久以來因為疫情个煩勞愁慮，掛吊个心正有好安樂。細細一支手機仔，拉兼親戚朋友个感情，裡肚有佢老人家對屋下人个關心，乜安慰佢對俵兜个思念。

甘蔗老來甜、辣椒老來紅，家有一老、當過一寶，屋下有爺哀這兩隻寶，係俵兜个幸福來源，期望兩老歡歡喜喜食百二，身體康健行路有風。

作者：李夢花

☆詞彙學習☆

- | | |
|-------------------------------------|---------------------------------------|
| 【流掠】liu liagˊ：形容人的身手或言語靈巧明快的樣子。 | 【癲俵】dienˊ dungˊ：喻神智不清、迷糊的樣子。 |
| 【兩頭烏】liongˊ teu vuˊ：喻每天從早忙到晚。 | 【耐毋得】ngai+ m ded：不得了。 |
| 【啦歌哩曲】laˊ goˊ liˊ kiug：哼哼唱唱。 | 【該駁仔】gai bog er：那段日子。 |
| 【貴參參】guiˊ semˊ semˊ：比喻物品昂貴。 | 【有款有調】rhiuˊ kuanˊ rhiuˊ tiau+：比喻有模有樣。 |
| 【展風神】dienˊ fungˊ shin：形容一個人出風頭、愛表現。 | 【拉兼】laiˊ giamˊ：拉近。 |